



子偵探隊

冊 下

商務印書館印行

第七章

此夜海中波濤洶湧而格洛根心中之波濤亦奔騰不減於海面輾轉榻中歷久不能成眠如有巨石置壓胸次恆自思曰此子今何在矣而終不敢自決其何在然就事推之則必已踐所料夜來風雨狂厲無倫音調之慘令人膽裂況處境如格洛根者宜其一夕數驚也格洛根所居古屋雖鞏固無倫然風力之猛常搖戶撼牖震震欲倒格洛根中夜聞此若冥冥中已歷數其罪狀深恐葬其身於圯屋之中而樓下報時之鐘每鐺然鳴卽復驚悸不可自遣思曰此子今何在哉果沈於海則我所謀果成矣然主謀之罪人仍屬我明日迭克失踪之事勢必轟傳我以摩托車載之去又爲衆目所共見脫有人以此見詢縱能自辨而迭克或尙有親屬爲之探偵此事訐發迭克爲人謀斃則罪人將焉遁對簿公庭吾其弗可免乎維海芬者一僻隅耳每出一纖小之事卽衆人閥傳

今爲迭克失蹤之事。此間人必詫爲非常。里巷傳語不發。吾隱不已。矧警察之力。有如獵犬。其偵察此案也。將無石不發。迭克之屍。若見於水。則人將問迭克胡爲溺水。是必謀殺無疑。謀殺之原因。爲何將推究而及於吾身。而我遂爲殺人之主謀犯。且卽令迭克了無親屬。尙有偵探隊之同伴偵探隊者。一羣好事之童子也。此案旣發。有不爲之深究乎。今日齊勒告其父。謂偵探隊中人因迭克失蹤。已報警察。謂爲人所掠。一至明晨。此偵探隊之童子。將人人盡變爲偵探矣。格洛根終夜焦思苦慮。至不能睡。第一線曙光旣露。卽匆匆起。披衣立於窗次。凝望海外。但見浪花起伏。濺沫如銀。因念此卽迭克之葬身地乎。晨來天光已見霽色。然格洛根之面上不霽如故。知天氣雖有時時而罪惡則終無洗滌之日。早餐時。僕僮得立。格洛根深恐自露憂煩之色。則竭力自揜。顧愈揜彌張。焦煩不安之容。一一畢露。飯量銳減。食時亦似絕不知味。有時故欲安詳。而

不幸刀盤相擊。作巨聲。執杯欲徐徐飲。而手臂震顫。酒乃竟瀉於地。凡一舉一動之迥異尋常。僕人罔不覺。察見主人忽有此狀。心亦稍稍異之。且對坐尤有齊勒。齊勒已洞燭乃父心中之隱。食時初本嘿嘿。旣乃言。謂將往行營一探。取迭克之消息。格洛根曰。爾去甚善。可盡爾力爲我刺取消息。第語宜加慎。蓋迭克失蹤。今尙未知何似。意者或已遭不測。誠如是者。則嫌疑且及吾輩。他人或將疑我等謀之也。齊勒曰。阿父母慮兒當慎之。敬如父言。齊勒雖作是言。而心中則竊知迭克之失蹤。其父實與有力焉。否則爲狀。必勿如是。父子相向無語良久。已而齊勒起立。遲疑曰。吾父格洛根曰。何言者。逕言之。語時取報紙於手。僞作將閱狀。齊勒曰。阿父兒意……言未竟。忽止。時有一僕入。惶恐之色見於面。言曰。主人檢察官琪納士以要事請見。此外尙有人與之同來。其人曰。亞米蒂奇先生也。格洛根曰。檢察官琪納士及亞米蒂奇先生耶。言時故爲夷然顧。

已失其尋常之音吐。因以顫動之手置報紙起立曰。若輩來此胡爲。吾此際尙未得閒。請彼行乎。否。否。入之爲佳。語已復力自振作。矯爲無事之容。疊指作響告其子曰。佳爾且去。此齊勒遂踟躕引退。客入矣。檢察官入時。狀至恭謹。舉手與格洛根爲禮。呼曰。貴紳晨佳。吾等來此相瀆於心。滋覺不安。格洛根曰。琪納士先生。勿庸道歉。密司忒亞米蒂奇佳。耶。少年人。吾甚樂見子也。足下錄取吾子入童子偵探隊。吾尙未臨謝。子隊中童子誠德學俱優。之後生。吾子自言在隊中甚樂。噫。渠得受教於足下。誠幸事哉。我初未知偵探隊之善。有如此者。故前者力加抗議。至今思之。愧悔交迸。異日必圖所以厚酬大德也。言已且笑。若欣樂異常。亞米蒂奇曰。先生果欲相報者。亦大易事。吾隊方失一童子。吾焦急欲狂。先生果能爲力者。則所賜多矣。亞米蒂奇音吐甚弱。似焦煩過度所致。且於此又可知渠昨宵實未得寧睡。所苦正不下格洛根。格洛根遽作戚惋之容。

曰。唉。吾子亦嘗語我。以此亞米蒂奇乎。此誠非常事。君亦嘗思此事有近。劫掠否。亞米蒂奇莊容曰。先生吾固知此。吾等所失之童子。卽昨日在影戲場外。場中擾亂之後。先生之摩托車所載以去之童子也。且駕車者非先生歟。檢察官亦言曰。此誠有之。先生能濟此童子之危急慈善事也。檢察官者一卑詔之徒。出言惟懼。開罪於巨室。故必出以恭恪之語。氣格洛根聞其言。則亦頷首稱可。言曰。尙有一人挾童子求登我車。彼人與我素昧生平者也。吾觀其狀。忖爲童子之父。以其子病危急。欲挈之家。吾見其倉皇乞登之狀。憫而納之。彼人以至石崖路。爲請吾允立駕車。至彼檢察官曰。仁哉。先生陌路相逢。乃能援助。一顛連之孺子。似此仁善。更將於何處求之。亞米蒂奇則堅不敢信。格洛根之言。厲目睨之曰。先生駕車至石崖路後。又何如。格洛根曰。嘻。此尙待問耶。旣至彼間。彼等自出。童子已醒。二人旣向吾稱謝。卽偕行他去。檢察官曰。彼等固宜謝。

先生。吾且恐彼等之謝先生者。未足以報先生之仁澤耳。亞米蒂奇曰。彼等行向何處去。格洛根曰。噫。以此見詢。我胡能答渠輩。下車後。我卽急駛吾車。緣歸路歸。誰則得暇細審彼二人所行方向者。我非若君輩之偵探隊。凡事之無與我者。必勿嗅之以鼻也。亞米蒂奇曰。先生謂童子隨彼人行。無不願意之狀耶。此先生所必能見。格洛根曰。質言之。彼二人行動殊無足啓人疑者。故吾亦不疑之。此時檢察官大嗽嗽已轉向亞米蒂奇言曰。君當識吾等所與言者。蓋紳士也。君當勿視紳士如常人。渠昨日所爲無非善舉。吾輩烏可多加無謂之推求。以瀆貴紳語時。咳不止。亞米蒂奇曰。我知之。勿勞足下相告。且願足下勿徒耗時間。多作諛詞。須知此際固一刻千金者。足下乃不念彼可憐之童子。或已爲人謀殺乎。檢察官曰。噫。弗爲是言。此言不宜在貴紳前言之。少年人氣盛易躁。急然我則勸君稍自斂抑。亞米蒂奇聲色俱厲曰。君謂我躁急耶。然則足

下胡不少出力以相助。乃束手坐觀。徒嘵嘵稱頌鄉紳之仁足下。但向紳士一問所當問之語。亦職所當然。想不至得罪於巨室。且彼之摩托舟。今奚在者。胡爲不繫其常泊之處。此卽應詢之語。吾深願聞其答覆者也。格格根怒不可遏。力握兩拳。狂吼曰。我之摩托舟與此事又何與。君欲知其何故不在我。自能答之。昨夜吾駕舟出游。此爲我常行之事。舟機忽損。故暫泊之於西行數里外之岸旁。汝果緣岸西行。當見之。固安然無恙也。亞米蒂奇亟答曰。我已遣吾隊衆緣岸東行。分巡數里。初未見爾之舟。格格根呼曰。然則吾船已爲人竊耶。噫。檢察官我請問君。吾舟胡乃爲人竊也。檢察官曰。貴紳下走亦不得盡知。以我卜之。亞米蒂奇先生之意。若謂竊舟之人卽掠童子之人也。言時又頻咳。格格根曰。噫。亞米蒂奇先生。或且疑我屬彼人竊之乎。偵探隊隊長先生。君意我假之以車。將亦假之以舟也邪。在理亞米蒂奇本可指格格根之罪名。下之獄。然又

思逮之亦無補吾今但求得迭克耳。方又欲有所問語猶未出忽有止之者則室門突闢齊勒狂奔入氣促幾不相屬大呼曰阿父迭克已覺得矣。檢察官斗聞此言意大釋然對格洛根又似深懷內疚自咎不應來干瀆此貴紳則足恭引過曰唉天乎乞貴紳恕我無狀我固知不宜冒瀆貴紳惟此事頗駭人意格洛根亟止以手檢察官之口立捫格洛根問其子曰齊勒尙生邪吾問彼童子得生還邪曰阿父彼確生還也。亞米蒂奇喟然曰謝天佑此童子言時疲頽之色立退目耿耿作光曰齊勒若何由得此佳音迭克今何在齊勒曰我方詣隊中中途遇同儕以此語我迭克此時尙在城中爲人看護謂有漁人自水中撈獲其時在昨夜之午而其處則距岸二十里之海中也。亞米蒂奇曰掠彼之人亦遇救邪齊勒不暇思索卽應曰人皆信彼已溺死海中矣齊勒急作此言蓋欲安其父心也。又曰迭克自言掠彼之人卽前此劫彼者渠亦莫明其故自覺

在一摩托舟中。舟爲巨舶所衝而沉。巨舶嘗停而施救。顧不可得。溺者遂去。後迭克爲漁舟所獲。而尙有一人。則絕無迹兆。必死無疑。格洛根聞范登已死。竊回首而舒氣。念范登既死。孰則能訐吾祕。迭克雖生。彼無所知。一聽其生可耳。不足爲吾害也。檢察官曰。貴紳聽之。彼二人溺水。本屬尋常。且彼人竊貴紳之機艇以行。罪當萬死。一死又奚足道。今果受天之譴。埋骨碧流。而童子無辜。已慶生還。公案一重於此已了。亞米先生頃者。我不告君。毋躁邪。今吾言驗矣。少年雖英發。總不及老成持重也。言次微笑。意頗自得。檢察官之樂樂能貢媚於貴人也。貴人亦作調諛語。助之曰。童子爲亞米蒂奇君至親。又何怪其躁急。爾二人終朝奔走罷矣。盡在此。少進食乎。亞米蒂奇曰。謝君。我弗須。此格洛根曰。勿須此耶。琪納士爾宜從吾請。稍盡一杯。以蘇爾困。亞米蒂奇先生果欲行者。吾何敢留。請矣。願君晨安。幸無責我慢客。吾性本爾也。亞米蒂奇逕出。格洛根

又顧謂其子曰。此間亦無須於爾。因笑語檢察官曰。人能吠者。勝於能噬。我能吠者也。今且盡此一杯而後去。檢察官既去。格洛根獨坐椅中。得意而笑。額拭額際。汗自言曰。噫。竟生還乎。生還又何足梗我。我知今後將無人能噬彼兒。與我作難。此產也。此屋宇也。此財也。殆無一而非我有。孰敢與我分羹。染指。嗟夫。我將永爲安樂富貴人矣。格洛根利令智昏。已弗計與之爲難者。偵探隊中正大有人在也。

山苗爾自火上舉一大釜。語司號長曰。比蕾。盍鳴爾號角。召彼等來取食。此時已入夜。月色如水。四方寂然。比蕾以角就唇吹之。嗚嗚然。聲聞數里。山苗爾以爲未足。言曰。彼等尙未得聞。更鳴之。比蕾更鳴。聲屬於前。山苗爾高歌和之曰。來哉。來哉。此地有珍羞。美哉。美哉。有此更何求。來哉。來哉。加餐更努力。美哉。美哉。此實勝於膏粱之食。歌已笑曰。今夜之餐。實我生平得意之作。若輩果不舐

其食皿至潔者必得胃病耳。時耗爾登已來扼山苗爾之項力按之幾入釜中。山苗爾大呼曰。噫。子欲并我之大好頭顱亦烹之耶。耗爾登曰。否否。吾等不食爛羊頭也。山苗爾自沸湯中取鐵叉以叉端欲輕觸耗爾登之膚。耗爾登大驚一躍去地可丈疾呼救命。時諸童悉至各持食皿以待脫梨弗笑曰。爾二人復惡作劇矣。脫在馬戲場中當可獲錢不少。吾未見有善作惡劇如若兩人者。山苗爾釜中何物。山苗爾曰。脫梨弗乎。是爲我得意之作。第一精品也。脫梨弗曰。上次爾自云精品者。吾已領略風味。至今未敢忘……耗爾登曰。厥味乃如曝乾海藻而雜之以沙。時山苗爾與耗爾登復欲作戰。幸脫梨弗居間調之。始已諸童乃各持食皿一一依次而進。滿注羹湯於皿中。一童子置食器膝上歡笑言曰。今日信爲良辰。迭克脫險歸。亞米蒂奇先生復謀得職業。鹽何在者。諸君盍爲我一傳之來。比蕾以鹽器授之。方欲有言。耗爾登忽曰。山苗爾爾尙勸人。

努力加餐耶。山苗爾曰：子但食子所得者，非與他人同耶？耗爾登曰：我所得者，固不少，願何竟無一肉屑也？山苗爾曰：何得來肉子？但觀於湯上者，非至可愛之粉團乎？我弗欲以粉團享爾。今爾幸而得之，正宜表謝。呶呶何爲？耗爾登曰：子觀釜中所餘，不尙多耶？山苗爾曰：我身爲廚人，亦當與諸君均沾其利。子意詎欲我枵腹行炊者？子且食爾器中所有，旣畢，更來果釜中有餘，當以分餉。耗爾登乃呻而去，覓一席地坐而進食。脫梨弗見二人之辯論旣已，願謂比蕾曰：比蕾，爾頃欲何言者？比蕾曰：我謂今日良辰，多吉慶事宜，以花綵點綴營中，歡迓亞米蒂奇及迭克之歸。脫梨弗曰：佳哉……言未已，耗爾登忽置食器就地翻旋其身如瘋犬，被奇痒作怪聲大呼，似欲嘔。山苗爾大愕曰：異哉！耗爾登今又何爲？天乎！吾以至巨之粉團予之，渠乃作此欲嘔狀，耗爾登大呻曰：粉團耶？子乃名此爲粉團耶？天乎！山苗爾詫曰：詎粉團不可入口耶？容我嘗之，乃舉叉

刺取耗爾登盤中之一巨團。耗爾登起坐。趣曰。食之。山苗爾噉半團。徐嚼之。耗爾登曰。味佳。美否。請更盡之。山苗爾蹙眉曰。請少待。團味頗異。耗爾登曰。盡之。此異味也。惟異味中。乃大饒腴香。團中之餡。非腴乎。嗟乎。山苗爾竟盡其半矣。言已。大笑。不可仰。諸童聞團中有腴。皆嗷嗷責庖人之不愼。山苗爾亦自艾曰。毋怪我。今晨徧覓新腴塊。乃不可得。孰知渠竟能隱伏團中。諸君毋愁。吾有以自贖。尙有布丁可果腹。乃出布丁易之布丁。雖不盡美。然諸童子以今日爲大節日。乃亦無多求。午餐罷。營中滿懸花綵旗幟。飛揚耗爾登自家中取得。舟上之小礮。至以火藥實膛中。待彼二人來。然以致敬童子。雖樂第整齊不亂已而傳達者來。報謂已見二人於徑之遠端。於是脫梨弗傳令列隊肅立以待。司號官比蓄則連其舌。本以津澤蘸唇將竭。其丹田之氣鳴此號角也。耗爾登則以一目注視其小礮。尙有一目則關視火中紅熾之鐵條。時迭克已。近力奔趣山。

上磨冠且呼離營址尙有一弓之地忽聞大聲疾作愕然止立脫梨弗爲率高呼衆童均以本棒高舉其冠隨聲大呼比蓄大吹號角聲鳴鳴出人聲上顧竟有駕其聲而出者則耗爾登之礮也礮發聲砰然震耳欲聾崖上之鳥以爲末日已至皆急起遠引少須諸童環繞迭克歡呼且歌山苗爾覓取一鐵磔擊之代鼓迭克於是脫萬險而歸矣日落時亞米蒂奇召脫梨弗及迭克入帳中言曰我今不復言彼僇范登我信渠必已死其人旣死吾等可勿更論其生時之惡迭克曰良然且我亦已盡恕其罪蓋伊人臨死之際亦深自悔生平之罪孽我亦憐而恕之矣雖然我終弗能忘之以其人之所爲已深印吾腦沒齒弗能忘亞米蒂奇及脫梨弗皆領首若已深知其心移時脫梨弗曰范登固已死惟尙有此間紳士足虞吾等弗宜忘情其人當夜吾等地穴所聞可知前途尙非坦坦今且勿論范登是否果欲死爾而紳士格洛根之意則必深願爾溺死海

中也。然則欲死爾者。厥爲紳士。顧其故。又安在。迭克乎。此問題。卽吾等所必欲得知者也。亞米蒂奇作莊容笑曰。吾輩所必欲解釋者。卽此一疑問。然我知吾等將來必能明瞭也。迭克欣然曰。吾意釋矣。吾方恐先生以爲范登旣死。置斯事不復究詰。彼紳士窮致其力。與我爲難。苟置不復問。則後此之禍。正未有艾。矧紳士而外。尙有地穴中秘密之人。脫梨弗曰。子此言觸吾思矣。子尙憶在影戲場中。告我片中人乎。是片爲攝取獄中之真相。中有一囚……迭克曰。信也。此囚乃與地穴中所見之人無二。亞米蒂奇呼曰。噫。有此耶。我胡爲未得前聞。又曰。戲片中人。果卽爲地穴中人者。則案情之譎詭。當更不可思議。此人必逃自獄中。不久匿迹地穴內。以避偵騎者。脫梨弗曰。彼胡爲必匿處是中。且渠又烏得知是間有地穴。更烏從知其出入之道。亞米蒂奇斗舉一指。戒二人肅靜。四矚始言曰。吾今告若輩。若輩聞之。必深思其故。此地之紳士。初非格洛根格。

洛根特冒襲之。彼眞紳士者，已於年前下諸獄。迭克呼曰：「先生之意，殆謂所遁之囚，卽此地之眞紳士耶？」先生不嘗告我，謂渠已死者，亞米蒂奇曰：「謂渠死者，特官中僞報耳。其實必越獄而出，信渠已死，則地穴之人又爲誰？何？」忽又言曰：「止！止！毋聲。」乃聞耗爾登自外呼曰：「亞米蒂奇先生，外間有客請見客，自秘其名……」亞米蒂奇曰：「耗爾登若引客入可也。」言甫已，已有一修偉之丈夫拂帳入。迭克見之不禁失聲呼來者爲誰。卽頃者三人所言之地穴中人也。帳中燈光雖弱，然迭克固辨之無訛。

第八章

此詭奇不速之客入。三人咸瞠目木立。迭克駭然一呼外，亦自噤其聲。將待來客之自陳也。客者誠爲迭克地穴所見之人。迭克固深信其無爽，惟其人顙高頰凹，睛巨眶陷，勞瘁惋戚之徵，形容可掬。影戲片中之人，與此客實無二致。旣